

“...’na ke leng motho ea le bolelletseng ’nete, eo ke e utloileng ho Molimo.”’Me Molimo O re laetse ho se its’etlehe ka batho ba bang ho Esaia 2:22 “**Ha ho le joalo, lesang ho ts’epa motho, eo phefumoloho ea hae e leng masobeng a linko tsa hae; na a ka thusa’ng?**”

**Mokeresete:** Na u ka tseba ho etsa hore ke lumele ka ho hlalosa litemana tse ho tsoa Bibeleng?

**Lemoseleme:** Ho ngotsoe ho Deuteronomi 4:2 “**Le ke ke la eketsa ka letho holim’a lentsoe leo ke le laelang lona, hape, le ke ke la le fokotsa; le tla mpe le boloke litaelo tsa Jehova, Molimo oa lona, tseo ke le laelang tsona.**”Kantle ho moo, Jesu o ratile tsohle phatlalatsa 'me ha a ka a rutela lekunutung joaloka ho Johanne 18:20 “**Jesu a mo araba, a re: Ke buile le batho bohle pepeneneng, ka bua**

**sinagogeng le tempeleng ka mehla eohle, moo ba-Juda bohle ba phuthehelang teng; ha kea ka ka bolela letho sephiring.**”

**Jesu** ha a so rute hore o ne a rometsoe Thakhiso le Pholoho!

**Jesu** ha a so re o ronngoe ho tla felisa Sebe se Seholo!

**Jesu** ha a so ipitse Molimo ka sebopeho sa motho!

**Jesu** ha a so re Moea o Halalelang ke karolo ea bomolimo.

**Jesu** ha a so rute hore Molimo ke batho ba bararo, le hore ke motho oa bobeli borarong boo.

**Joale... u nkile tumelo ea hau kae?**

**Mokeresete:** U ntlhakiselitse, 'me ke na le khahleho ea ho ithuta ka Islamo, joale seo se ka etsahala joang?

**Lemoseleme:** Ho ithuta Islamo ho se ho le bonolo ho marang-rang empa ho tsoa ho marang-rang a ts'epahalang joaloka Islamic invitation

# PUISANO

EA LEMOSELEME

LE

MOKERESETE

E hlophisitsoe ke:

**Om Zakaryia Al-Atharyia**

E fetoletsoe Sesothong ke:

**Abdullah Tsie Sesinyi**

The Islamic Foundation

Mohala: +26656231487

Facebook: Abu Muammar Abdullah S

[www.islamic-invitation.com](http://www.islamic-invitation.com)



**Mokeresete:** Jesu o ea u rata, ebile o u shoetse!

**Lemoseleme:** Hobaneng a ne a lokela ho nchoela? Ke e ntseng lilemong tse 2020 tse fetileng tse entseng hore a nchoele? Molimo Ha A re ka ho Jeremia 31:30 *“Empa e mong le e mong o tla shoa ke bokhopo ba hae”*

**Mokeresete:** Ha u utloisise! Kaofela hoa rona re jele lefa sebe sa Atama nakong eo a neng a ja sefate se hanetsoeng.

**Lemoseleme:** Joale hobaneng ke lokela ho lefa sebe sa Atama? Molimo Ha A re ho ea ka Ezekiele 18:20 *“Moea o etsang sebe, ke oona o tla shoa. Mor'a motho eo a ke ke a jara letho la molato oa bokhopo ba ntat'ae, 'me motho a ke ke a jara letho la bokhopo ba mora oa hae, bokhopo ba e mobe holim'a hae le bona.”?*

**Mokeresete:** U jele lefa sebe sa ntat'ao Atama 'me Molimo O tla

u ahlola ka lebaka la hona.

**Lemoseleme:** Molimo O tla nkahlola feela ho latela mesebetsi eaka joalokaha buka ea hau e hlalosa ho Baroma 2:5-6 *«Empa ka bothata ba hao le ka pelo ea hao e se nang pako, u ipokellela bohale bo tlang ho u hlahela mohl'a letsatsi la bohale le la ponahatso ea kahlolo e lokileng ea Molimo. O tlang ho nea e mong le e mong ka ho etsa ha hae: »*

**Mokeresete:** Ka kopo ak'u leke ho utloisisa. U lokela ho lumela ho sehlabelo sa Morena ho re u tle u tsebe ho pholoha ka Letsatsi la Kahlolo.

**Lemoseleme:** Hobaneng Molimo Ea mpopileng a lokela ho etsa sehlabelo empa e ntse ele Eena ea tla nkahlola? Jesu o hlalositse ho Mattheu 12: 37 *“Hobane u tla beoa ea lokileng ka lipolelo tsa hao, 'me ka lipolelo tsa hao u tla tsuoa.”*

**Mokeresete:** Ha u sa lumele mpho ea Jesu, u tla kena Mollong oa Lihele.

**Lemoseleme:** Hobaneng ke tla kena Mollong oa Lihele feela ke sa etsa sebe? Molimo O ea hlalosa ho Baroma 2:2 *“Re fela re tseba hobane kahlolo ea Molimo ke ea 'nete ha e tsoa ba etsang tse joalo.”*

**Mokeresete:** Molimo o shoele, ka lebaka la lerato la hae ho uena, 'me o batla ho ts'oarella.

**Lemoseleme:** Ho hlakile hore motho e mong eseng Molimo o shoele, kaha Molimo Ha A shoe etsoe ebile ho ngotsoe bukeng ea hau ho 1 Timothea 6:16 *“e leng eena ea 'nots'i ea nang le ho se shoe”*

**Mokeresete:** Ha se Ntate ea shoeleng. Ke Jesu ea tlleng ka sebopeho sa botho ea u shoetseng.

**Lemoseleme:** Empa Jesu o itse ene ele motho ho Johanne 8:40